

第五四九冊

博物彙編

草木典

栗部

棗部

櫟部

柑部

橘部

橙部

梨部

梨部

柿部

椰部

榲部

榲部

柚部

棠梨部

棗部

榲部

榲部

榲部

榛部

三三三

三三三

三三三

三三三

三三三

三三三

三三三

三三三

三三三

(卷)

古今圖書集成

中華書局影印

圖書集成

經濟典

卷一百一十五

欽定四庫全書  
圖書集成  
經濟典  
卷一百一十五

欽定四庫全書  
圖書集成  
經濟典  
卷一百一十五

古今圖書集成

卷一百一十五

欽定古今圖書集成博物彙編草木典

第二百二十二卷目錄

栗部彙考

栗圖

詩經鄭風定之方中 鄭風東門之墀 唐風四月 燕風車鄰 幽風東山 小雅

禮記曲禮 內則

周禮天官遷人 地官大司徒 冬官玉人

儀禮士冠禮 士昏禮 聘禮 士虞禮 有司

山海經中山經

大戴禮記夏小正

東方朔神異經東荒經 東北荒經

嵇含南方草木狀石栗

郭義恭廣志栗

賈思勰齊民要術種栗

毛詩陸疏廣要樹之梓栗

陸佃埤雅栗

林洪山家清供雷公栗 梅花脯 金玉羹

王世懋果疏栗

徐光啓農政全書栗

本草綱目栗 天師栗

高濂遵生八牋栗子粉 高麗栗糕方

王象晉羣芳譜栗

直省志書昌平州 歷城縣 鄒平縣 臨淄縣 寧國縣 常德縣 烏程縣 臨海縣 東陽縣 龍泉縣 灌縣 嘉定州

栗部藝文一

傷故栗賦

漢蔡邕

新栗帖

謝東官責栗啓

賦得雜言詠栗

栗賦

天師栗贊

栗部藝文二詩

栗園

尹陽尉耿傳惠新栗

栗

次韻王適食芋栗

栗

夜食炒栗有感

栗熟

新栗寄雲林

詠頂山栗

栗部選句

栗部紀事

栗部雜錄

栗部外編

晉王羲之

梁庾肩吾

陳陸玕

陸瓊

宋吳淑

宋祁

宋石介

梅堯臣

文同

蘇轍

前人

陸游

朱熹

元張雨

王伯廣

草木典第二百二十二卷

栗部彙考

釋名

栗詩經

與栗詩疏

錐栗唐本草

旋栗圖經

樹栗綱目

篤迎光書

栗圖

芋栗詩疏

板栗唐本草

芋栗唐本草

山栗綱目

石栗綱目

天師栗綱目



詩經

鄭風定之方中

樹之榛栗

朱榛栗二木其實榛小栗大皆可供饔飩金本草注曰栗樹高二三丈花青黃包實有房栗大者中

子三五小者子惟一

鄭風東門之墀

東門之栗有踐家室

傳栗行上栗也傳以栗在東門之外不處園圃

之間則是表道樹也故云栗行上栗行謂道也襄九年左傳云趙武魏絳斬行栗杜預云行栗表道

唐風山有樾

山有漆隰有栗

秦風車鄰

阪有漆隰有栗

幽風東山

有敦瓜苦烝在栗薪

大栗周土所宜木言見苦瓜繫於栗薪之上也

小雅四月

山有嘉卉侯栗侯梅

禮記

曲禮

婦人之摯棋榛脯修栗栗

注婦人無外事見以羞物也 栗早也栗肅也以

栗栗爲摯取其早起戰栗自正也按昏禮婦見舅

以栗栗見姑以股脩

內則

子事父母婦事舅姑栗栗飴蜜以甘之

注以甘之者謂以此栗栗飴蜜以和甘飲食

栗栗榛柿

注皆人君燕食所加庶羞也

栗曰撰之

注治擇之名也 栗蟲好食數數布揀撰者視之

周禮

天官

籩人掌四籩之實饋食之籩其實棗栗桃乾榛榛實加籩之實菱芡栗脯菱芡栗脯

注重言之者以四物爲八籩

地官

大司徒之職以土會之灋辨五地之物生一曰山林

其植物宜皂物

注皂物枿栗之屬 栗雖不得染皂其皮亦阜手

之類故與枿同爲皂物也

冬官

玉人之事案十有二寸棗栗十有二列諸侯純九大

夫純五夫人以勞諸侯

注棗栗實於器乃加於案聘禮曰夫人使下大夫

勞以二竹簠方元被纁裏有蓋其實棗蒸栗擇兼

執之以進 案十有二寸者謂玉案十有二枚云

棗栗十有二列案案皆有棗栗爲列十有二者還

據案十二爲數不謂一案之上十有二也

儀禮

士冠禮

再醢兩豆葵菹醢醢兩籩栗脯

士昏禮

質明贊見婦於舅姑席於阼舅即席席於房外南面

姑即席婦執筭栗栗自門入升自西階進拜奠於席

注此婦見舅之事也必見舅用栗栗見姑以股脩

者案公羊傳云禮婦人見舅以栗栗爲贊見姑以

股脩爲贊栗栗取其早自謹敬股脩取其斷斷自

脩正是用栗栗股脩之義也

聘禮

賓至于近郊夫人使下大夫勞以二竹簠方元被纁裏有蓋其實棗蒸栗擇兼執之以進

注兼猶兩也右手執栗左手執栗 云兼猶兩者

謂一人執兩事知右手執栗左手執栗者見下文

云賓受棗大夫二手授栗則大夫先度右手乃以

左手共授栗便也明知右手執栗可知必用右手

執栗先度之者鄭註士虞禮云棗栗故用右手執

栗也

賓受棗大夫二手授栗賓之受如初禮

注受授不游手慎之也 初兩手俱用既授棗而

不兩手共授栗則是游暇一手不慎也今右手授

栗訖即兩手共授栗不游手爲謹慎也

士虞禮

自反兩籩栗栗設于會南栗在西

注尚棗栗美

有司徹

主婦反取籩于房中執栗棗坐設之棗在棗南棗在

棗南婦贊者執栗脯主婦不與受設之栗在棗東脯

在棗東主婦與反位

注栗脯加籩之實也

尸左執爵取栗棗祝取栗脯以授尸尸兼祭于豆祭

山海經

中山經

綸山其木多粗栗

銅山其木多粗栗

葛山其木多粗栗

賈起之山其木多粗栗

大戴禮記

夏小正

八月剝棗刺也者取也栗零零也者降也零而後取之故不言剝也

東方朔神異經

東荒經

東方荒中有木名曰栗其殼徑三尺三寸殼刺長丈餘實徑三尺殼亦黃其味甜食之多令人短氣而渴

東北荒經

東北荒中有木高四十丈葉長五尺廣三尺名曰栗其實徑三尺二寸其殼赤其肉黃白味甜食之令人短氣而渴

蓄含南方草木狀

石栗

石栗樹與栗同但生於山石罅間花開三年方結實其殼厚而肉少其味似胡桃仁熟時或爲羣鷄鴉至啄食略盡故彼人珍貴之出日南

郭義恭廣志

栗有開中侯栗大如雞子梁州獻栗徑寸半越中栗大如拳

賈思勰齊民要術

種栗

廣志曰關中大栗如雞子大蘇伯瞻曰有胡栗魏志云有東夷韓國山大栗狀如梨三秦記曰漢武帝栗園有栗十五顆一升王逸曰朔濱之栗西京雜記曰榛栗槐栗嶧陽栗嶧陽都尉曹龍所獻其

大如拳

栗種而不栽

栽者雖生尋死矣

栗初熟出殼即裏埋著濕土中

理必須深勿令凍徹若路遠者以韋囊盛之見風日則不復生矣

至春三月悉芽生出而種之既生數年不用掌近凡新栽之樹皆不用掌近栗性尤甚也

三年內每到十月常須草裏至二月乃解

不裏則還死大戴禮夏小正曰八月零而後取之故不言剝之

食經藏乾栗法

取種灰淋取汁漬栗日出曬令栗肉焦燥不畏蟲得至後年春夏

藏生栗法

著器中細沙可燥以盆覆之至後年二月皆生芽而不蟲者也

毛詩陸疏廣要

鄭風

樹之榛栗

五方皆有栗周秦吳揚特饒吳越被城表裏皆栗唯漁陽范陽栗甜美長他方者悉不及也倭韓國諸島上栗大如雞子亦味短不美桂陽有栗栗叢生大如杆子中仁皮子形色與栗無異也但差小耳又有與栗皆與栗同子圓而細或云即幸也今此惟江湖有之又有芋栗佳栗其實更小而木與栗不殊但春生夏花秋實冬枯爲異耳

大戴禮云八月栗零零也者降也零而後取之故

不言剝也周禮天官云饋食之遵其實栗禮記內

則云栗曰撰之疏云栗蟲好食數數布陳撰者視之本草註云栗作粉勝於菱芡蜀本云樹高二三

丈葉似櫻花青黃色似胡桃圓經云兗州宣州者最勝實有房栗若拳中子三五小者若桃李中子

惟一二將熟則轉拆子出凡栗之類甚多詩云樹之辛栗栗房當心一子謂之栗根治血尤效陳士

良云栗有數種其性一類三類一毯其中者栗楣也理筋骨風痛衍義曰湖北路有一種栗頂圓末

尖謂之旋栗西京雜記上林苑有侯栗栗魁栗榛栗嶧陽栗嶧陽都尉曹龍所獻大如拳埠雅云

栗味鹹北方之果也有萊蟬自襄東觀書曰栗駭蓬轉蓋今栗房秋熟轉發其實驚躍如暴去根幹

甚遠所謂栗駭也相法曰白如截肪黃如蒸栗今黃玉謂之栗玉蓋蓋取此爾雅翼栗其實下垂故

從鹵鹵者草木實垂肉肉然蓋象形也古文栗從西從二鹵徐巡說木至西方戰栗言木則凡木皆

然而栗至轉發之時將堅不墜尤有戰栗之象故天子五社西社植栗而宰我對栗社之義亦以爲

使民戰栗也栗之生極謹密三類爲房其房爲蟬毛其中類匾者號爲栗根尤益人大率栗味鹹性

溫而宜於腎有患足弱者坐栗木下多食之至能起行其實縝密故稱玉質縝密以栗秦風阪有漆

隔有栗燕秦千樹栗是其出處也秦饒應侯請發五苑之果疏橡栗栗以活民昭王不許范子計然

曰栗出三輔詩又云山有嘉卉侯栗侯梅侯助辭

第五四九冊 之〇二葉

此爲試讀，需要完整PDF請訪問：www.ertongbook.com

也西京雜記稱漢上林苑中有侯栗又有侯梅此吳均之語不可取信廣雅云有石栗其樹與栗同俱生於山石罅中花開三年方結實其殼厚而肉少其味似胡桃熟時或爲羣鸚鵡所啄故彼人極珍貴之出日南又類婆子者其實紅色大如肥早核如栗煨熟食之味與栗無異

郭橐駝種樹書

採栗

栗採時要得披殘明年其枝葉益茂

陸佃埤雅

栗

栗味鹹北方之果也有萊螬自裹故先賢云皂者柞栗之屬膏者楊柳之屬嚴者李梅之屬國語曰婦摯不過棗栗以告虔也先儒以爲棗取早敬栗取恂栗東觀書曰栗駭蓬轉蓋今栗房秋熟解發其實驚躍如爆去根幹甚遠所謂栗駭其以此歟詩曰山有樛櫨有榆山有栲櫨有杻山有漆櫨有栗言國君有財而不能用猶之山隈不能自用其材故人卒取之以爲用也然則秦詩曰阪有漆櫨有栗何以爲美曰是詩也非是之謂也秦仲既見君子有禮樂之好故道此以爲戒言宜並坐鼓簧今不能及時以自虞樂則壯者其耄老者其亡矣此其所以爲美也耄之爲言跌也易曰日昃之離不鼓缶而歌則大耋之嗟凶與此同義傳曰其言一也言者異則人心變矣相法曰白如截筋黃如烝栗今黃玉謂之栗玉蓋蓋取此內則曰栗曰新之栗曰撰之按儀禮曰烝烝栗擇蓋烝之之謂新撰之之謂擇

林洪山家清供

雷公栗

夜爐書倦每欲煨栗心慮然燒之患一日造鄭達辰曰只用一栗蘸油一栗蘸水實鐵鉢內以四十七栗密覆其上圖炭火然之候雷聲爲度偶一日同飲試之果然

梅花脯

山果橄欖薄切同食有梅花風韻名梅花脯

金玉羹

山藥與栗各片截以羊汁加料羹名金玉羹

栗

栗

栗山果也植之平地亦生懸殼如蜩亦堪備一種佳實

實

徐光啓農政全書

栗

便民圖纂曰栗臘月或春初將種埋濕土中待長六尺餘移栽二三月間取別樹生子大者接之

本草綱目

栗釋名

李時珍曰栗說文作栗從鹵音條象花實下垂之狀也梵書名篤迦

集解

別錄曰栗生山陰九月采

陶弘景曰今會稽諸暨栗形大皮厚不美刻及始豐

栗皮薄而甜乃佳

蘇頌曰栗處處有之而兗州宣州者最勝木高二三

丈葉極類櫟四月開花青黃色長條似胡桃花實有房彙大者若拳中子三四小者若桃李中子惟一

將熟則罇拆子出栗類亦多按陸機詩疏云栗五方皆有之周秦吳揚特饒惟濮陽及范陽栗甜味長他方者不及也倭韓國諸島上栗大如雞子味短不美桂陽有辛栗叢生實大如杏仁皮子形色與栗無異但小耳又有栗栗皆與栗同子圓而細惟江湖有之或云即辛也辛音榛詩云樹之辛栗是矣

蘇恭曰板栗二樹皆大芋栗似板栗而細如榛子其樹雖小葉亦不殊但春生夏花秋實冬枯爲異耳

寇宗奭曰湖北一種旋栗頂圓末尖即榛栗象榛子形也栗欲乾收莫如暴之欲生收莫如潤沙藏之至夏初尚如新也

李時珍曰栗但可種成不可移栽按事類合璧云栗木高二三丈苞生多刺如蜩毛每枝不下四五箇苞有青黃赤三色中子或單或雙或三或四其殼生黃熟紫殼內有膜裹仁九月霜降乃熟其苞自裂而子墜者乃可久藏苞未裂者易腐也其花作條大如筍頭長四五寸可以點燈栗之大者爲板栗中心扁子爲栗楔稍小者爲山栗山栗之圓而末尖者爲雞栗圓小如榛子者爲辛栗小如指頂者爲芋栗即爾雅所謂栳栗也一名栳栗可炒食之劉恂嶺表錄云廣中無栗惟新州山中有石栗一年方熟圓如彈子皮厚而味如胡桃得非栗乃水果不宜於炎方耶

實氣味

鹹溫無毒

孟詵曰吳栗雖大味短不如北栗凡栗日中暴乾食即下氣補益不爾猶有水氣不補益也火煨去汗亦殺水氣生食則發氣蒸炒熟食則壅氣凡患風水人不宜食味鹹生水也

蘇恭曰栗作粉食勝於菱芡但以餵孩兒令齒不生寇宗奭曰小兒不可多食生則難化熟則滯氣膈食生蟲往往致病

實主治

別錄曰益氣厚腸胃補腎氣令人耐饑

孫思邈曰生食治腰脚不遂

蘇頌曰療筋骨斷碎腫痛瘀血生嚼塗之有效

栗根釋名

李時珍曰一莖三顆其中扁者栗根也

栗根主治

陳士良曰筋骨風痛

蘇頌曰活血尤效今衡山合活血丹用之

大明曰每日生食七枚破冷痼癖又生嚼管惡刺出箭頭傳癰癰毒痛

發明

孫思邈曰栗腎之果也腎病宜食之

陶弘景曰相傳有人患腰脚弱往栗樹下食數升便能起行此是補腎之義然應生噉若服餌則宜蒸曝之

寇宗奭曰栗之補腎為其味鹹又滯其氣也

李時珍曰栗於五果屬木水潦之年則栗不熟類相應也有入內寒暴洩如注令食煨栗二三十枚頓愈腎主大便秘能通腎於此可驗經驗方治腎虛腰脚

無力以袋盛生栗懸乾每旦喫十餘顆次喫猪腎粥助之久必強健蓋風乾之栗勝於日曝而火煨油炒勝於羹蒸仍須細嚼連液吞嚥則有益若頓食至飽反致傷脾矣按蘇子由詩云老去自添腰脚病山翁服栗舊傳方客來為說晨興晚三咽徐收白玉漿此得食栗之訣也王禎農書云史記載秦饑應侯請發五苑粟栗則本草栗厚腸胃補腎氣令人耐飢之說殆非虛語矣

栗扶釋名

蘇恭曰栗內薄皮也

栗扶氣味

甘平瀉無毒

栗扶主治

蘇恭曰搗散和蜜塗面令光急去皺文

栗殼釋名

李時珍曰栗之黑殼也

栗殼氣味

同扶

栗殼主治

孟詵曰反胃消渴煮汁飲之

大明曰煮汁飲止瀉血

毛毯釋名

李時珍曰栗外刺包也

毛毯主治

蘇恭曰煮汁洗火丹毒腫

花主治

吳瑞曰療癰

樹皮主治

蘇恭曰煮汁洗沙蟲瘻毒

蘇頌曰療瘡毒

孟詵曰治丹毒五色無常剝皮有刺者煎水洗之

根主治

汪穎曰偏腎氣酒煎服之

附方

小兒疳瘡生嚼栗子傳之外瘡要藥

葦刺入肉方同上

馬汗入肉成瘡者方同上勝金方

馬咬成瘡獨顆栗子燒研傳之醫說

熊虎爪傷方同上

小兒口瘡大栗煮熟日日與食之甚效普濟方

衄血不止宣州大栗七枚刺破連皮燒存性出火毒

入麝香少許研勻每服二錢溫水下聖錄

金刃斧傷用獨殼大栗研傳或倉卒嚼傳亦可集簡方

骨鯁在咽栗子內薄皮燒存性研末吹入咽中即下

聖濟總錄用栗子肉上皮下半兩為末鮫魚肝一箇

乳香二錢半同搗九梧子大看便遠近以線繫綿裹

一丸水調吞之提線釣出也

鼻衄不止累醫不效栗殼燒存性研末粥飲服二錢

方聖惠

天師栗集解

李時珍曰按宋祁益州方物記云天師栗惟西蜀青城山中有之他處無有也云張天師學道於此所遺故名似栗而味美惟獨房若椽為異耳今武當山所賣婆羅子恐即此物也

氣味

甘溫無毒

主治

李時珍曰久食已風聲出益州記

高濂遵生八牋

栗子粉

取山栗切片曬乾磨成細粉

高麗栗糕方

栗子不拘多少陰乾去殼搗為粉三分之一加糯米

粉拌勻蜜水拌潤蒸熟食之以白糖和入炒甚

王家晉羣芳譜

栗

藏生栗法霜後取生栗投水中去浮者餘漉出布拭

乾曬少時令無水脈為度先將沙炒乾放冷取無油

酒器新罐裝入一層栗一層沙約八九分滿用若

葉紮緊搗一淨地將器倒覆其上略以黃土封之弗

近酒器可至來春不壞

又法栗子一石鹽二斤水泡開浸栗一二宿漉出曬

乾同芝麻二石拌勻盛荊國中永遠不壞食之饒美

藏乾栗法霜後取沈水栗一斗用鹽一斤調水浸栗

令沒經宿漉起眼乾用竹籃或麻布袋挂背日少

通風處日搖動一二大至來春不損不蛀不壞

製用以兩栗煎油兩栗煎水置鍋中周圍更排四十

七個濕紙搭蓋慢火燒候有爆聲即熟

大栗每個殼底以刀十字畫開底向下逐旋排鍋中

以鹽一撮繞鍋撒下蓋定發火候熟取用

選底平可作對者二枚一枚香油塗濕底一枚白水

塗濕底合作一對置鍋底當中取栗逐旋蓋上多亦

不妨將鍋蓋嚴燒一飯頃取出俱酥熟且不黏殼

又法入油紙燃一條炒不用鐵鍋尤妙

栗炒熟搗爛曬乾磨細每六升新糯米粉四升白沙

糖半斤蜜水浸之篩置甑中隨晝開蒸粉熟為度火

炙為糕

直省志書

昌平州

物產栗有板錐莖芋山楔六種其花如條大如筍頭

長四五寸可以點燈

歷城縣

方產栗柳埠南營產獨盛

鄭平縣

物產栗大峪中最多有數百年古貌擁腫者張華東

呼為老友

臨潼縣

物產曬栗形小而味厚

寧國縣

土產栗山谷多有皆指栗熟比於穀熟以足公私之

需

常熟縣

物產栗頂山者小而饒按之則長名麝香囊今種幾

絕矣

烏程縣

物產栗最細者名茶栗

臨海縣

物產栗有油栗毛栗

東陽縣

土產栗安文產者佳

龍泉縣

物產大栗珠栗榛栗毛栗木栗油栗

灌縣

物產天師栗出青城山似栗而美獨房者為異

嘉定州

物產絲栗實似栗而小如北方榛子亦可食然味短

木似橡可為屋材

栗部藝文一

傷故栗賦并序

人有折蔡氏祠前栗者故作斯賦

樹遼方之嘉木今於靈宇之前庭通二門以征行今

夾階除而列生彌霜雪而不凋今當春夏而滋榮固

本心以誕節兮凝育葉之綠英形猗猗以黠茂兮似

翠玉之清明何根莖之豐美兮將奉熾以悠長適禍

賊之災人兮嗟天折以摧傷

新栗帖

復數橘子即云乃好可噉久得新栗此院冬桃不能

得多送觸事何當不存往恆語然獨折

謝東宮賁栗啓

查或火成鑽以為屑奈稱煎用暴而成煥未若北燕

巨實用牽榮枯南國脯山翻慚齒決承恩賜臨對開

喜之河念報屏雪同知來之鳥

賦得雜言詠栗

貨見珍於有漢木取貴於隆周英聲萌於朱夏實方

落於素秋委玉盤雜椒糝將象席糝珍羞

栗賦

陸瓊

四時遶盛百果元芳綠梅春靚紅桃夏香何羣品之  
浮脆惟此質之久長外刺同夫拱棘內潔甚於冰霜  
伏南安而來清冽御宿而懸房薦羞則根榛並列加  
籩則羹茨同行金盤兮麗色玉姐分鮮光周人以之  
戰懼大官稱於柏梁

栗賦

宋吳淑

詩云山有漆陽有栗富珍產於五方比素封於千室  
儀禮置之於蒞南周官用之於籩簋則有擅價南安  
託植儀鸞上林有曹龍之獻箕山有伊尹之言田饒  
勸之以待士宗度置之而禮賢中山嘗載於冀論三  
輔亦稱於計然別有朔濱之饒葛山之美書拾者果  
居之食告虔者婦人之贊既表侯榛之品亦記樹櫨  
之類應侯發之以諫主沈約疏之而怒帝又聞協嘉  
祥於名郡報赤心於至尊嚴遵獨異於羣下王泰秀  
出於諸孫使民戰栗者周社靖爾室家者東門其或  
質大如梨色黃伴玉一以零也為稱一以撰之為目  
當集鵠而有餘且試狙而不怒

天師栗贊

宋祁

天師栗生青城山中他處無有也似栗味美惟獨  
房為異久食已風孿

栗類尤衆此特殊味專蓬若橡託神以貴

栗部藝文二詩

栗園

宋石介

遊困歸來訪栗園栗園老樹再生孫莫驚頭上見髮  
白拾栗兒童長幾番

尹陽尉耿傳惠新栗

梅堯臣

金行氣已勁霜實繁林稍尺素走下隸一盃來遼郊  
中黃比玉質外刺同茨苞野人寒齋會山爐夜火炮  
梨慚小兒嗜茗憶蠶官拋此焉真可貺遽爾及衡茅

栗

文同

天師攜此種至自上饒遠當時十七樹高幹寄孤巖  
蒼蓬蒺藜大紫殼積柳輭蜀都名果中推之為上選

次韻王適食芋栗

蘇軾

相從萬里試南餐對案長思苜蓿盤山栗滿籃兼白  
黑村醪入口半甜酸久聞牛尾何曾試竊比雞頭意  
未安故國霜蓬如罌大夜來彈缺似馮驩

栗

前人

老去自添腰脚病山翁服栗舊傳方客來為說晨興  
晚三咽徐收白玉漿

夜食炒栗有感

陸游

齒根浮動歎吾衰山栗炮燂療夜飢喚起少年京輩  
夢和寧門外早朝時

栗熟

朱熹

樹雜椅桐繼國風莫教林下長蒿蓬共期秋實充腸  
飽不羨春花轉眼空病起數升傳藥錄最興三咽學  
仙翁櫻桃浪得銀絲薦一笑纔堪發面紅

新栗寄雲林

元張雨

揭來常熟嘗新栗黃玉穰分紫殼開果園坊中無買

處頂山寺裏為求來囊盛稍共來會帖酒薦深宜燕  
甲杯首奉雲林三百顆也勝酸橘寄書同

詠頂山栗

王伯廣

黃離抱中實紫苞發外彩寄蹤蜂窠垂藏頭蟬皮隘  
詎堪黷鼠竊更復猿猴采心憐使民畏時須徇兒愛  
荆山破金璞驅珠掩微類密文自保滋味身乃碎  
筠籠貢厥珍不在相梨外羅邊加其儀顧與羹茨對  
易飽屏膏肉餘功益肝肺懸風當令堅致濕忍使敗  
晉地棄非偶宣城蜜佳配誰知麝香囊可居天下最

栗部選句

漢司馬相如子虛賦植梨棹栗橘柚芬芳

揚雄長楊賦周流梨栗之林

王逸荔枝賦北燕薦朔濱之巨栗

張衡南都賦乃有櫻梅山柿侯桃梨栗

晉左思蜀都賦榛栗棗發

魏都賦固安之栗

宋謝靈運山居賦六月採蜜八月撲栗

梁昭明太子七召汶垂蒼栗

七啓北燕之栗

宋王仲粲南都賦其果則植梨棹栗素素朱櫻

晉陶潛詩遲子垂九齡但覓梨栗栗

周庾信詩家童掃栗附又秋林栗更肥

唐杜甫詩穠多栗過拳又山家蒸栗暖又盤剝白鴿

谷口栗又羞逐長安社中兒赤雞白狗賭梨栗

韋應物詩采栗元猿窟

韓翃詩霜迎栗罽開

韓愈詩霜大熟柿栗收拾不可遲

張籍詩秋猿守栗林

皮日休詩野猿偷栗重窺戶

李洞詩雲深猿拾栗

秦系詩壁栗添新味寒花帶老顏

包信詩鳥窺新罇栗龜上半欹荷

鮑溶詩拾薪覓秋栗看鼎書古字

項斯詩栗葉重重覆翠微

宋蘇轍詩山栗似拳應自飽

張耒詩園栗炮還美

孫觀詩綈囊丹果什襲包爆栗飛爐石火敲

范成大詩紫爛山梨紅皺棗總輸易栗十分甜

陸游詩蠟刺拆蓬新栗熟鵝雛弄色凍醅濃霜栗大如拳

元方回詩壁黃新栗嫩

馬祖常詩家家收栗栗處處種榆柳

明高啓詩栗葉翻翻滿寺秋

栗部紀事

莊子古者獸多民少皆巢居以避之晝食橡栗暮棲樹上

左傳莊公二十四年秋哀姜至公使宗婦觀用幣非禮也御孫曰男贄大者玉帛小者禽鳥以章物也女贄不過榛栗棗脩以告虔也今男女同贄是無別也男女之別國之大節也而由夫人亂之無乃不可乎襄公九年冬十月諸侯伐鄭杞人鄭人從趙武魏絳斬行栗表道樹

莊子莊周遊乎雕陵之樊見一異雀自南方來感周之類而集於栗林

徐無鬼見武侯武侯曰先生居山林食芋栗厭慈非以資寡人久矣夫今老邪其欲干酒肉之味耶其寡人亦有社稷之福耶

說苑莒穆公有臣曰朱厲附事穆公不見識焉冬處於山林食枲栗夏處洲澤食菱藕穆公以難死朱厲附將往死之其友曰子事君而不見識焉今君難吾子死之意者其不可乎朱厲附曰始我以爲君不吾知也今君死而我不死是果知我也吾將死之以激天下不知其臣者遂往死之

范子栗出三輔

戰國策蘇秦將爲從北說燕文侯曰燕南有碣石雁門之饒北有襄粟之利民雖不田作粟粟之實足食於民矣此所謂天府也

韓非子秦大饑應侯請曰五苑之草著蔬菜橡栗果粟足以活民請發之昭襄王曰吾秦法使民有功而受賞有罪而受誅今發五苑之蔬草者使民有功與無功俱賞也夫使民有功與無功俱賞者此亂之道也夫發五苑而亂不如棄蔬蔬而治一曰令發五苑之蔬蔬粟足以活民是用民有功與無功爭取也夫生而亂不如死而治大夫其釋之

漢書地理志上谷至遼東地廣民稀俗與趙代相類有魚鹽棗栗之饒

西京雜記初修上林苑羣臣遠方各獻名果異樹亦有製爲美名以標奇麗栗四侯栗榛栗槐栗嶧陽栗嶧陽都尉曹龍所獻大如拳

東觀漢記鄧禹征馮愷糧盡無以犒軍士饑餓皆食棗栗

後漢書東裔傳馬韓出大栗如梨

晉書先賢傳光武詔嚴遵詣行在蜀郡獻栗橘上使公卿各以手所及取之遵獨不取上問故遵曰君賜臣以禮臣奉君以恭今賜無主是以不敢取

三輔黃圖三秦記云御宿園出栗十五枚一升

後漢書伏皇后紀李傕郭汜敗乘與於曹陽帝乃潛夜渡河走六宮皆步行出營既至安邑御服穿敝皆以棗栗爲糧

晉宮閣名華林園中栗一株侯栗六株

鄉中記鄉中產巨栗脫其殼可以爲杯

晉書五行志哀帝興寧三年五月癸卯廬陵西昌縣修明家有僵栗樹是日忽復起生時孝武年始四歲俄而哀帝崩海西即位未幾而廢簡文越自藩王入篡大業登阼享國又不踰二年而孝武嗣統帝諱昌明識者竊謂西昌修明之祥帝諱實應焉是亦與漢宣帝同象也

豫章古今記宋度拜定陵令縣人杜伯夷清高不仕度與談論設棗栗而已

宋書劉秀之傳秀之司徒劉穆之從兄子也大明元年徵爲右衛將軍明年還丹陽尹先是秀之從叔穆之爲丹陽與子弟於廳事上飲宴秀之亦與焉廳事柱有一穿穆之謂子弟及秀之曰汝等試以栗遙擲此柱若能入穿後必得此郡穆之諸子並不能中惟秀之獨入焉

南齊書祥瑞志永明二年七月新治縣槐栗二木合

生異根連理去地數尺中央小開上復爲一

南史王泰傳泰幼敏悟年數歲時祖母集諸孫姪散棗栗於牀羣兒競之泰獨不取問其故對曰不取自當得賜由是中外表異之

蕭琛傳梁武在西邸與琛有舊梁臺建以爲御史中丞歷左戶度支二尚書侍中帝每朝識接琛以舊恩嘗經預御筵醉伏上以棗投琛琛乃取栗擲上正中面御史中丞在坐帝動色曰此中有人不得如此豈有說邪琛即答曰陛下投臣以赤心臣敢不報以戰栗上笑悅

梁書傳昭傳昭爲臨海太守縣令常餉栗真絹於薄下昭笑而還之

沈約傳約嘗侍燕值豫州獻栗徑寸半帝奇之問曰栗事多少與約各疏所憶少帝三事出謂人曰此公護前不讓即羞死帝以其言不遜欲抵其罪徐勉固諫乃止

沈瑀傳瑀爲建德令教民一丁種十五株桑四株柿及梨栗女丁半之人咸歡悅頃之成林

水經注汝水又東逕懸弧城北王智深云汝南太守周於起義於懸瓠者是矣今豫州刺史汝南郡治城之西北汝水枝別左出西北流又屈西東轉又西南會汝形若垂瓠者彥云城北名馬灣中有地數頃上有栗園栗小殊不並固安之實也然歲貢三百石以充天府水渚即栗州也樹木高茂望若屯雲積氣矣林中有栗堂射埽甚閒敞牧宰及英彥多所遊薄其城上西北隅高祖以太和中幸懸瓠平南王肅起高臺於小城建層樓於隅阿下際水場降栗渚左右列

樹四周參差競峙奇爲佳觀也

北史李元忠傳元忠性甚工彈彈桐葉常出一孔擲棗栗而彈之十中七八

馮亮傳亮以盛冬喪連日驟雪窮山荒澗鳥獸饑窘僵尸山野無所防護時有壽春道人惠需每旦往看其屍拂去塵霰食蟲之迹交橫左右而初無侵毀衣服如本唯風帽巾又以亮識舊南方法師信大栗十枚言期之將來十地果報開亮手以置把中經宿乃爲蟲鳥盜食皮殼在地而亦不傷肌體

高句麗傳高句麗土田濕氣候溫暖人皆山居有巨栗

杜陽雜編處士元藏機大業元年爲海使判官遇風浪壞船獨爲破木所載忽達於洲島洲人曰此乃滄洲有碧栗丹栗皆大如梨

地理志諸暨產如拳之栗

華山記西山麓中有栗林藝植以來蕭森繁茂

唐書杜甫傳甫爲華州司功參軍開輔帆輒棄官去客秦州負薪採橡栗自給

地理志幽州土貢栗

五行志長慶二年十一月丁丑成都栗樹結實食之如李

西陽雜俎李衡公一夕甘子園會客盤中有猴栗無味

陳堅處士云虔州南有漸栗形如素核

清異錄晉王嘗窮追汴師糧運不繼蒸栗以食軍中

遂呼栗爲河東飯

遼史文學傳蕭韓家奴字休堅涅刺部人統和二十

八年爲右通進典南京栗園重熙四年徙彰德宮使帝與語才之命爲詩友嘗從容問曰卿居外有異聞乎韓家奴對曰臣惟知炒栗小者熟則大者必生大者熟則小者必焦使大小均熟始爲盡美不知其他

蓋嘗掌栗園故託栗以諷諫帝大笑

宋史易延慶傳延慶嘗司建安府征母葬有期私歸營葬掩壙而返知軍憲繼昇言其擅去職坐免所居官復廬墓側數年母平生嗜栗延慶樹二栗樹墓側二樹連理蘇易簡朱台符爲贊美之

禮志景祐三年禮官宗正條定逐至時薦以京都新物略依時訓協用典章請每歲冬五月羞以兔果以栗蔬以諸黃

青箱雜記王文正公且與楊文公億爲空門友楊公謫汝州公適當軸每音問不及他事唯談論真諦而已余嘗見楊公親筆與公云山栗一秤聊表郵信蓋汝惟產栗而億與王公忘形交以一斤栗遺之斯亦昔人雞黍縈紆之意乎

老學菴筆記故都李和燭栗名聞四方他人百計效之終不可及紹興中陳福公及錢上閣愷出使至燕山忽有兩人持燭栗各十裹來獻三節人亦人得一裹自贊曰李和兒也揮涕而去

宋史五行志紹興二十一年建德縣定林寺栗生桃實占曰木生異實國主殃

紹熙四年富陽縣栗生來禽實

客燕雜記京師佳果栗三霜前栗盤古栗鷹爪栗

重慶縣志萬曆五年栗實變桃味甚甘

貴州通志崇禎十七年餘慶縣嚴家屯栗樹一株自

仆數日屯民欲斧之是夜樹自起立枝葉復生  
六合縣志冷水坑古栗一株大可數人圍高不知幾  
百尺修柯戛雲如幢豎蓋張蘿蕩葉蔓聯纖承翳日  
月光不到地春初黃葉不脫凜然存霜雪氣  
懷寧縣志豹子山足有大栗樹虬幹參天

栗部雜錄

呂氏春秋栗之美者有箕山之栗  
史記貨殖傳燕秦千樹栗此其人與千戶侯等  
鯁千石鮑千鈞棗栗千石者三之此亦比千乘之家  
說苑田饒曰果園梨栗後宮婦人撫以相隨而士會  
不得一嘗

尚書逸篇西社惟栗

王褒僮約南安拾栗採橘

王充論衡地種葵韭山樹棗栗名曰美國

盧謹祭法春秋各祠皆用栗

盧毓冀州論中山好栗地產不為無珍

相玉書黃仲蒸栗

括地志漢武帝果園栗味甘而小不如三秦記所云  
固安之栗天下稱之為御栗因有栗園

從容錄凡門以栗木為關者夜可以遠盜

西溪叢語杜甫詩云嘗果栗皺開或作雛字殊不可

解集韻皺側九切革紋蹙也漢上題襟周繇詩云開  
栗弋之紫皺貫休云新蟬避栗皺又云栗不和皺落

即栗蓬也

物類相感志果得橄欖香

吃栗子於生芽處咬破些吹氣一口剝之皮自脫竹  
葉與栗同食無相

夢溪筆談江南有小栗謂之芽栗以予觀之此正所  
謂芋也則莊子所謂狙公賦芋者此文相近之誤也  
析津日記邇於南京置栗園司蕭韓家奴為右通進  
典南京栗園是也元昌平縣亦有栗園徹里傳戰於  
昌平栗園是也蘇秦謂燕民雖不耕作而足於棗栗  
唐時范陽以為土貢今燕京市肆及秋則以傷拌雜  
石子爆之栗比南中差小而味頗甘以御栗名正不  
以大為貴也

栗部外編

東方朔傳朔母田氏朔生三日而田氏死鄰母拾朔  
養之年三歲恆指揮天上空中獨語鄰母忽失朔一  
年乃歸母曰汝行經年一歸何以慰吾朔曰見暫之  
紫泥之海有紫水汚衣仍過虞泉湔洗朝發中還何  
言經年乎母又問曰汝悉經何國朔曰兒湔衣竟暫  
忽冥都崇臺一寤眠王公啖兒以丹栗實漿兒食之  
既多飽悶幾死乃飲元天黃露半合即醒  
酉陽雜俎元和初洛陽村百姓王濟傭力得錢五銀

因買田畔一枯栗樹將為薪以求利經宿為鄰人盜  
斫創及腹忽有黑蛇舉首如臂人語曰我王清本也  
汝勿斫其人驚懼失斤而走及明王清率子孫薪之  
復掘其根根下得大瓮二散錢實之王清因是獲利  
而歸十餘年巨富遂贅錢成龍形號王清本  
續仙傳道人殷七七名文祥能造遙巡酒開頃刻花  
書有官僚召飲取栗散於官妓皆聞異香唯笑七七  
者栗綴於鼻不可脫但聞吳須臾在舞粉黛狼籍其  
為陳謝始墜

謝元卿遇神仙設鳳冠栗

五色線王可交棹漁舟入江遇一彩舫有道士七人  
玉冠霞帔侍從十餘人鬚角雲鬢面前各有青玉盤  
酒器呼可交上舫命與酒吃侍者瀉酒於尊酒再三  
不出道士曰酒靈物若得入口當換其骨瀉之不出  
亦命也一人曰與栗吃俄取二栗與之其栗青赤光  
如棗長二寸許嚼之有皮非人間之栗肉脆而甘可  
交食栗之後絕穀動靜若有神助



以棗栗見姑以殷脩

內則

子事父母婦事舅姑棗栗飴蜜以甘之

以甘之者謂以此棗栗飴蜜以和甘飲食

棗栗榛柿

皆人君燕食所加庶羞也

棗曰新之

治擇之名也 棗易有塵埃恆治拭之使新

炮取豚若將剖之剗之實棗於其腹中

言為炮之法或取豚或取豚剖剗其腹實香棗

於其腹中

玉藻

食棗桃李弗致於核

恭也 謂懷核不置於地也

周禮

天官

籩人掌四簋之實饋食之籩其實棗栗桃乾榛榛實

冬官考工記

玉人之事案十有二寸棗栗十有二列諸侯純九大

夫純五夫人以勞諸侯

棗栗實於器乃加於案聘禮曰夫人使下大夫

勞以二竹簋方元被纁裏有蓋其實棗栗黍稷兼

執之以進 案十有二寸者謂玉案十有二枚云

棗栗十有二列案案皆有棗栗為列十有二者還

據案十二為數不謂一案之上十有二也

儀禮

士昏禮

質明贊見婦於舅姑席於阼舅即席席於房外南面

姑即席婦執筭棗栗自門入升自西階進拜奠於席

此婦見舅之事也必見舅用棗栗見姑以殷脩

者案公羊傳云禮婦人見舅以棗栗為贊見姑以

殷脩為贊棗栗取其早自謹敬殷脩取其斷斷自

脩正是用棗栗殷脩之義也

聘禮

賓至於近郊夫人使下大夫勞以二竹簋方元被纁

裏有蓋其實棗栗黍稷兼執之以進

兼猶兩也右手執棗左手執栗兼猶兩者謂

一人執兩事知右手執棗左手執栗者見下文云

賓受棗大夫二手授栗則大夫先度右手乃以左

手共授栗便也明知右手執棗可知必用右手執

棗先度之者鄭註士虞禮云棗栗故用右手執棗

也

賓受棗大夫二手授栗賓之受如初禮

受授不游手慎之也 初兩手俱用既授棗而

不兩手共授栗則是游暇一手不慎也今右手授

棗訖即兩手共授栗不游手為謹慎也

士虞禮

自反兩邊棗栗設於會南棗在西

尚棗栗美

有司徹

主婦其洗獻於尸主婦反取籩於房中執棗栗坐設

之棗在棗南棗在棗南婦贊者執栗脯主婦不與受

設之栗在棗東脯在棗東主婦與反位

棗饋食之邊

尸左執爵取棗棗視取栗脯以授尸尸兼祭於豆祭

主婦獻祝辛夫薦棗棗坐設棗於道西棗在棗南祝

左執爵取棗棗祭於豆祭

主婦洗於房中酌致於主人主婦薦非道醢醢坐設於

席前道在北方婦贊者執棗棗以從主婦不與受設

棗於道北棗在棗西

酌致爵於主婦婦贊者薦非道醢醢在南方婦人贊

者執棗棗授婦贊者婦贊者不與受設棗於道南棗

在棗東

爾雅

釋木

棗壺棗

今江東呼棗大而銳上者為壺壺猶楓也

邊要棗

子細腰今謂之鹿盧棗

檟白棗

即今棗子白乃熟

械酸棗

樹小實酢孟子曰養其械棘

楊徹齊棗

未詳

遵羊棗

實小而圓紫黑色今俗呼之為羊矢棗孟子曰

會稽嗜羊棗

洗大棗

今河東猗氏縣出大棗子如雞卵

養填棗

注未詳

厥洩苦棗

注子味苦

哲無實棗

注不著于者

還味棗

注還味短味

別棗類也云棗者目諸棗也壺棗

者棗形似壺也郭云今江東呼棗大而銳上者為

壺壺猶瓠也邊大而腰細者名邊腰棗郭云子細

腰今謂之鹿盧棗子白熟者名檮實小而味酢者

名檮實楊微齊棗注未詳邊一名羊棗郭云實小

而圖紫黑色今俗呼之為羊矢棗洗最大之棗名

也郭云今河東猗氏縣出大棗子如雞卵煮填棗

注未詳厥洩者味苦之棗名也哲者無實之棗名

也還味者短味也名棗棗注孟子曰養其械棘者

案孟子曰人之於身也體有貴賤有大小無以小

害大無以賤害貴養其小者為小人養其大者為

大人今有場師舍其梧櫨養其械棘則為賤場師

焉趙岐注云械棘所謂酸棗是也一云孟子曰會

哲嗜羊棗者孟子云會哲嗜羊棗而曾子不忍食

羊棗公孫丑問曰膾炙與羊棗孰美孟子曰膾炙

哉公孫丑曰然則曾子何為食膾炙而不食羊棗

曰膾炙所同也羊棗所獨也是其事

棗李曰寔之

注啖食治擇之名 棗李曰寔之者謂棗李皆去其寔寔者柢也

中山經

驪山其上有美棗

大戴禮記

夏小正

八月剝棗剝也者取也

神異經

北荒經

北方荒中有棗林其高五十丈敷張枝條數里餘疾

風不能偃雷電不能摧其子長六七寸圍過其長熟

亦如朱乾之不縮氣味潤澤殊於常棗食之可以安

軀益於氣力故方書稱之赤松子云北方大棗味有

殊既可益氣又安軀

郭義恭廣志

棗

河東安邑棗東郡穀城紫棗長二寸西王母棗大如

李核三月熟在衆果之先洛陽宮後園河內汲郡棗

一名墟棗一名安益棗東海蒸棗洛陽夏后棗安平

信都大棗單父棗梁國夫人棗大白棗一名曰蹙杏

小核多肌三星棗駢白棗灌棗此四者官園所種棗

有狗牙雞心牛頭羊矢獼猴細腰之名又有元棗大

棗崎廉棗桂棗夕棗之名

嵇含南方草木狀

海棗

海棗樹身無開枝直徑三四十丈樹頂四面共生十

餘枝葉如柗欄五年一實實甚大如杯盤核兩頭不

尖雙卷而圓其味極甘美安邑御棗無以加也泰康

五年林邑獻百枚昔李少君謂漢武帝曰臣嘗遊海

上見安期生食臣棗大如瓜非誕說也

崔豹古今注

糯棗

糯棗葉如柳實似杏而小味亦甘美

賈思勰齊民要術

種棗

爾雅曰棗壺棗邊要棗檮白棗械酸棗楊微齊棗

遵羊棗洗大棗煮填棗厥洩苦棗哲無實棗還味

棗郭璞注曰今江東呼棗大而銳上者為壺壺

猶瓠也要細腰今謂之鹿盧棗檮即今棗子白熟

械酸棗孟子曰養其械棘者遵實小而圖紫黑色

俗呼羊矢棗孟子曰曾子嗜羊棗洗今河東猗氏

縣出大棗子如雞卵厥洩子味苦哲不著于者還

味短味也填未詳廣志曰河東安邑棗東郡穀城

紫棗長二寸西王母棗大如李核三月熟安平信

都大棗梁國夫人棗大白棗小核多肌三星棗又

有狗牙雞心牛頭羊矢細腰之名又有元棗大棗

崎廉棗鄴中記曰石虎苑中有西王母棗冬夏有

葉九月生花十一月乃熟三子一赤又有羊角棗

亦三子一赤孟曰堯山有歷棗侯氏本草曰大棗

者名良棗西京雜記曰弱枝棗玉門棗丹棗王母

棗青花棗赤心棗棗青州有樂氏棗肌細核多膏

肥美為天下第一父老相傳云樂毅破齊時從燕

來齊所種也

嘗選好味者留栽之候棗葉始生而移之

棗性硬故主晚栽早者堅格生遲也

第三步一樹行欲相當

地不耕也

欲令牛馬踐令淨

棗性堅強不以苗掠是以耕荒穢則蟲生所以須淨地堅銳故宜踐也

正月一日日出時反斧班駁椎之名嫁棗

不椎則花無實子而零落也

候大蠶入簇以杖擊其枝間振落狂花

不打花繁不實不成

全赤即收收法日日撼落之爲上

半赤而收者肉未充滿乾則黃色而皮皺將赤味亦不佳久不收則皮破復有鳥啄之

曬棗先治地令淨布椽於箔下置棗於箔上以椽聚而復散之一日中二十度乃佳夜仍不聚

得霜露氣乾速成陰雨之時乃聚而苦之

五六日後別擇取紅軟上高廚上曝之

廚上者已乾雖厚一尺亦不壞

擇去胖爛者其未乾者曝曬如法其阜勞之地不任耕稼者歷落種棗則任矣

棗性燥收

凡五果及桑正月一日雞鳴時把火遍照其下則無蟲矣

食經曰作乾棗法將蔞露于庭以棗著上厚二寸復以新蔞覆之凡三日三夜撤覆露之畢日曝取乾入屋中率一石以酒一升漱著器中密泥之經數年不敗也

棗油法鄭元曰棗油擣棗實和以塗繪上燥而形似油也乃成之

棗脯法切棗曝之乾如脯也

雜五行書曰舍南種棗九株辟縣官宜蠶桑服棗核中人二七枚辟病疾能常服棗核中人及其刺百邪不復干矣

種梗棗法

陰地種之陽中則少實足霜色殷然後乃收之早收者溫不任食之也

說文云棗棗也似柿而小

作酸棗妙法

急取紅軟者箔上泊曝令乾大釜中煮之水僅泊淹一沸即漉出盆研之生布絞取濃汁塗盤上或盆中盛水日曝使乾漸以手摩淨取爲末以方寸匕投一盤水中酸甜味足即成好醬遠行用和米

炒飢渴俱當也

段成式酉陽雜俎

波斯棗波斯國波斯國呼爲窟莽樹長三四丈圍五六尺葉似土藤不凋二月生花狀如蕉花有兩甲漸漸開轉中有十餘房子長二寸黃白色有核熟則子黑狀類乾棗味甘如飴可食

陸佃埤雅

棗

棘大者棗小者棘蓋若酸棗所謂棘也於文重東爲棗並東爲棘一日棘實曰棗蓋棗性重喬棘則低矣故其制字如此詩曰八月剝棗十月穫稻剝擊也棗實未熟雖擊不落已熟則爛不擊自墮蓋收棗擊而落之故齊民要術所謂全赤即收收法撼而落之爲

上

是也且棗全赤即收故乾則紅皺復無鳥雀之費半赤而收者肉未充滿乾復黃皺將赤味亦不佳故於全赤之時剝而落之夏小正曰剝棗栗零剝也者取也零也者降也零而後取之今採華藥亦各有時筆談云如紫草未華時採則根色鮮澤華過而採則根色黯惡故用藥者取葉長足時採用華者取華初敷時採用實者取成實時採綠土氣有早晚天時有愆伏如平地三月華者深山中則四月華是也孟子曰今夫弊麥播種而耨之其地同樹之時又同泮然而生至於日至之時皆熟矣雖有不同則地有肥磽雨露之養人事之不齊也世云噉棗令人齒黃養生論曰齒居晉而黃晉齒食此故也

羅願爾雅翼

棗

棗者東木棗束相重棘束相連東方朔以爲從來來者蓋戲辭也大而銳上曰壺細腰曰邊白熟曰檮樹小實酢曰棘實小而圓紫黑色曰遵大如雞卵曰洗

味苦曰厥泄不著子曰柝味短苦曰還味棗有十一名郭氏得九焉後世有紫棗元棗西王母棗東海蒸棗洛陽夏白與夫雞心牛頭羊矢獼猴細腰其名不可勝載古者八月剝棗大戴禮曰剝者取也其修治則曰新之寔之以爲餽食之饌又以爲婦贊其事父母舅姑者棗栗飴蜜以甘之凶歲以仰焉秦飢應侯請發五苑之果蔬橡棗栗以活民孔融爲東萊賊所攻城欲破其治中左承祖以官棗賦與戰士故古者百穀以爲粱者黍稷之總名稻者漑種之總名菽者衆豆之總名三穀各二十種爲六十蔬果之屬助穀

各二十凡爲百穀其實晉人尤好食棗蓋安邑千株  
棗比千戶侯其人真之懷袖食無時久之齒皆黃故  
養生論云齒居晉而黃謂棗故也魏文帝詔羣臣曰  
南方龍眼荔枝寧比西國葡萄石蜜乎酢且不如中  
國凡棗味莫言安邑御棗也盧諶祭法春祀用棗油  
柳貫打棗譜

事

埤雅云棘大者棗小者棘蓋若酸棗所謂棘也于文  
重束爲棗

詩曰八月剝棗十月穫稻剝擊也棗實未熟雖擊不  
落也

孟子曰養其械棘酸棗也  
世云噉棗多令人齒黃

養生論曰齒居晉而黃晉食此故也

爾雅曰今江東棗大而銳上者呼爲靈棗猶瓠也細  
腰者今鹿盧棗

盧諶祭法春祠用棗油

蘇秦說燕文侯曰北有棗栗之利民雖不由田作棗  
栗之實足食於民矣

潘岳賦曰周有弱枝之棗

唐本注云棗噉服使人瘦久即嘔吐指熱癰瘡也  
食療云棗和桂心白瓜仁松樹皮爲丸久服之令人  
香身

名

鹿盧棗 子細腰者 雞冠棗 出睢陽宜作脯  
拭酸棗 樹最小實酢 醍醐棗 出睢陽宜生噉  
櫟白棗 核白也 白棗 卽鹽官棗也

羊棗 實小而圓紫黑色

無實棗 不著子者 邊腰棗

楊微齊棗 爾雅未詳 煮填棗 爾雅未詳

波斯棗 生波斯國長二寸

牛頭棗 上皇棗

赤心棗 崎廉棗

駢白棗 灌棗

細腰棗 西王母棗 三月熟

桂棗 雞心棗

弱枝棗 狗牙棗

玉門棗 燧婆棗

青華棗 穀城紫棗 長二寸

棠棗 獼猴棗

棣棗 三心棗

紅棗 出山東紅色 紫紋棗

香棗 出哈密 圓愛棗

火棗 見穆天子傳 三寸棗

金槌棗 御棗 出青州

鳳眼棗 凍棗

沙棗 出赤斤蒙古衛 凡棗 出本草圖經

榜嘯棗 漢榜嘯山獻萬年一實

糯棗 出北夢瑣言 安平棗 出何晏九州論

太棗 出河東猗氏 天蒸棗 乾紅於樹上

溟海棗 李少君食之大如瓜

玉文棗 西王母食之大如瓶

細核棗 拾遺記出陰岐峰其核細

羊角棗 石季龍園所種十子二尺

仙人棗 長四寸其核如針

驪山棗 色甚美 膠棗

南棗 大惡不堪噉 團棗

美棗 區棗

良棗 臥棗

鹽官棗 出海鹽紫色味佳

菟棗 高尺許實如棗出丹陽

七尺棗 見述異記 牙棗 先熟亦甘美

青州棗 金城棗 形大而虛少脂

赤棗 子色赤棗味酸 萬歲棗 出三佛齊國

西王棗 出崑崙山

密雲棗 出密雲縣味最甘

山棗 狀如棗而圓色青黃而味甘酸出廣州

湧幢小品

天棗

天棗在蕭縣天門寺春時吐華結實如酸棗可食每  
四月七日其實皆熟次日遂空

物性論

樂氏棗

樂氏棗生山東青州府多膏味美爲棗之冠

徐光啓農政全書

棗樹救饑

採嫩葉煤熱水浸作成黃色淘淨油鹽調食其棗紅  
熟時摘取食之其結生硬未紅時煮食亦可

本草綱目

棗釋名

李時珍曰按陸佃埤雅云大曰棗小曰棘棘酸棗也